

- 2 Uzatdı bu halk işi ger erkek ü ger dişi
Müsülmân olan kişi 'isyân yolına girmez
- 3 Hep gafletile gâfil gafleti n'ider 'âkil
Bin söylesen key câhil 'irfân yolına girmez⁷²⁵
- 4 Gönül tolu zulmetdür işledügi bid'atdür
Bu niçesi ümmetdür Kur'ân yolına girmez
- 5 Gel sen Yûnus iste bul Allah'a yarar bir kul
Kul kaçan ola makbûl sultân yolına girmez
- RY. 39b, K. 184b, M. 64.

116

- 1 Gayrıdur bu milletden bu bizüm milletümüz
Hiç dînde bulunmadı dîn ü diyânetümüz⁷²⁶
- 2 Bu dîn ü diyânetde dünyâ vü âhiretde
Yitmiş iki milletde ayrudur âyâtumuz⁷²⁷
- 3 Zâhir suya banmadın el ayak deprenmedin
Baş sücûda inmedin kılınur tâ'atümüz⁷²⁸
- 4 Ne Ka'be vü ne mescid ne rükû' u ne sücûd
Hakk'ıla dâim becid olur münâcâtumuz⁷²⁹
- 5 Ne Ka'be'ye varalum ger mescide girelüm
Gerek suya yunalum biledür 'illetümüz⁷³⁰
- 6 Su ne kadar arıda çün yavuz hûyun bile
Meger bizi pâk ide Hak'dan 'inâyetümüz⁷³¹
- 7 Kimün sırrın kim bile çün irilmez bu hâle
Yarın anda bell'ola müslümân mürtedümüz⁷³²

725 söylesen: söyledügi RY.

726 bu: her NO, Ç // dinde: dünyâda K / dîn: hiç din YE, hiç bin dilde Ç.

727 Beyit NO, Rt, Ç'de:

Bu dîn ü diyânetde yitmiş iki milletde

Bu dünyâ ol âhiretde ayrıdur âyâtumuz (erkânımız NO)

728 banmadın: yunmadın YE, Rt, Ç, A, girmedin NO // sücûda: secdeye A / inmedin: varmadın NO.

729 Birinci mısra A, Ç'de: "Ne rûku 've sücûd ne Ka'be (kıble A) ve ne mescid" / NO'da: "Ne rükû vardı ne sücûd ne virürde ne mescid" / Hakk'ıla dâim: dâim dostıla Rt, Ç, A.

730 ger: gerek YE, NO, Rt, gerekse RY, A // gerek: gerekse, YE, K, RY, Rt / biledür: çün biline NO, çün biledür A, RY, çün bile Rt, Ç.

731 Ç'de yok. / huyun: fi'lün NO, Rt, A / bizi pak ide: bilelik ola Rt, A.

732 Beyit Ç, YE, RY'de yoktur. / sırrın: sözün NO.